

25. okt 2016

Innuttaasut ilinniagaqarnermik allagartaqanngitsut inuttut piginnaasaqarfigilersimasaat nammineerlutillu piginnaanerilersimasaat pisortatigoortumik nalunaarsorneqarnissaat, ataqatigiisillugit aqqissuunneqarnissaat, suliffeqarnermilu suliallit illuatungeriit atuinerulernissaat anguniarlugu, Naalakkersuisut sulisoqarnermut tunngasuni attuumassusilinnik suleqatiserinninnissaannik oqaloqatiserinninnissaannillu peqquneqarnissaannik, anguniagaasalu inerneru kingusinnerpaamik UPA 2018-mi nassuiaammik saqqummiussaqaarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Siumumiit siunnersuuteqartumut qujalluta ima oqaaseqassaagut:

Innuttaasut piginnaasaasa atorluarneqarnerunissaannik siunnerfeqartumik suliat sumiiffinni Piareersarfiit/Majoriaq aqqutigalugit ineriartortinneqarput. Taamaaliornerup siunertaralugu matu ataaseq aqqutigalugu saaffiginnissinnaaneq qanorlu ingerlariaqqinnissamik siunnersorneqarneq.

Suliat ingerlareersut ineriartortinneqartullu qulaatiinnarlugit allanik nutaanik aallartitseqqinneq ataqatigiissumik suliniarnermut naapertuutinnngillat.

Siumumiit nuannaarutigaarput maani Inatsisartuni aalajangiiffigisassatut siunnersuutit nunap inuunik atorluaanerunissamik siunnerfeqartut amerlammata taakuullutillu inuup nunamini atorfissaqartinneqarluni suleqataarusunneranik kivitsiqataasusaaq. Oqaatsivut piginnaanertut immikkut naleqartinneqarlutik inissisimasariaqarnerat tassanissaaq pingaaruteqarluinnarpoq. Tamatigut naqissusertuarlugu oqaatsivut piumasaqaataappata pitsaassutsimik qaffaanermik kinguneqassasut.

Suliniuterpassuit aallartisartut ilaallu ingerlallualereersimasut qujanarput, taamaammat annerusumik oqaaseqarnata siunnersuutigineqartup siunertaa sumiiffinni ingerlareermata Naalakkersuisut itigartinneqarnissaannut innersuussinerat ilalerparput.

(Inatsisartunut ilaasortaq Vivian Motzfeldt – Siumut)